

¹ THAMIAE Notitiæ antiquæ in Arcadia, licet pluribus in Augustam-
nica, ubi nunc *Damiata*. *Heraclius* Episcopus Tamiathidis Concilio Ephe-
sino adfuit, quem ab Episcopo Pelusiensi diversum fuisse sola Concilii lectio
docet, cum in eodem *Eusebius* Pelusii Antistes nominetur.

² CYNOPOLIS superior D. Athanasio in Breviario Meletii, qui *Calutum*
Episcopum Cynopoleos superioris nominat.

PROVINCIA THEBAIDIS PRIMÆ.

ANTINOE Ptol. ubi supra. Metropolis dicitur in dicta Notitia, hodie
Antios. *Lucius* Antinoes Episcopus legitur apud D. Athanasium in Breviario
Meletii: Et *Tyrannus* ejusdem sedis Antistes subscripsit Concilio Nicæno.

HERMOPOLIS major Ptol. ibidem, vulgò *Benisuaif*. *Gennadii* Hermopo-
lis majoris Antistitis memoria est in Concilio Chalcedonensi.

CUSA Antonino, & D. Athanasio in Breviario Meletii, qui *Achillem* Cu-
sæ Antistitem appellat: Notitia habet mendosè Casum pro Cusam.

LYCOPOLIS Ptolem. ibid. *Meletius* Archiepiscopus Lycopolis à S. Epi-
phanio hæresi 69. dicitur, & *Volusianus* adfuit Concilio Ephesino.

OASIS magna Ptol. ibidem, vulgò *Agazar*. *Patricii* Oasis magnæ Episcopi
meminit Concilium Chalcedonense.

HIPSELE Ptol. ibid. *Arsenius* Hipseles Episcopus dicitur ex Arsenii Epi-
stola ad D. Athanasium, in hujus operibus.

APOLLINIS civitas parva Ptol. ibid. vulgò *Munfa*. *Pabisco* Apollinis An-
tistes in Conc. Ephesino reperitur: sed an magnæ, quæ Thebaidis secundæ
est in Notitia, vel parvæ sit, non dicam.

ANTÆUM Ptol. ibid. *Macarius* Antæi Episcopus eid. Conc. subscripsit.

PANOPOLIS Ptol. ibid. *Sabini* Panis, seu Panopolis memoria est in ed.
dem. Concilio.

PROVINCIA THEBAIDIS SECUNDÆ.

PTOLEMAIS Hermii Ptolemæo lib. 4. cap. 5. Metropolis est hujus pro-
vinciæ in dicta Notitia. *Ammonius* Ptolemaidis, & Diospolis Episcopus dici-
tur apud D. Athanas. in Breviario Meletii, & *Euoptius* ejusdem sedis forte
est Antistes, qui legitur in Concilio Ephesino.

THIS Stephano Thebaidis civit. in Thinite Nomo; ut credibile est, seu
Thinis Tom. 1. Conc. *Heraclius* Thineos Episc. in Conc. Ephesino legitur.

COPTUS Ptol. ib. *Phabammon* Copti Antistes Conc. Ephes. subscripsit.

TENTYRA Ptol. ubi suprâ. ³ *Photinus* Tentyræ Episcopus Concilio Chal-
cedonensi adfuit, & ante eum *Tiberius* Nicæno.

MAXIMIANOPOLIS Notitiæ dictæ. *Pachymes* ejus Episcopus dicitur &
Tentyræ apud D. Athanas. in Breviario Meletii.

LATOPOLIS Ptol. ibid. *Paulus* Latopoleos Episcopus dicitur à D. Atha-
nasio in Breviario Meletii ad Alexand. An alterius ejusdem nominis nescio.

HERMONTHES dictæ Notitiæ. *Cales* Episcopus Hermetis legitur apud
D. Athanasium in Breviario Meletii forte pro Hermonthis.

THEBAIS magna dictæ Notitiæ, quæ Jovis magna civitas dicitur Ptol.
ubi supra. *Marochius* Episcopus Thebaidis magnæ seu Diospolis magnæ sub-
scripsit Concilio Constantinopolitano generali quinto.

THE.

NOTÆ LUCE HOLSTENII.

¹ *Thamiate*, vulgò *Damiata*] Tamiathis Steph. quod verum nomen hinc Elpidius *Tamiathis* Episcopus subscripsit Synodicæ Gennadii tom. 1. Juris Græc. Rom. Bassus adfuit Synodo v.
² *Cynopolis* &c.] *Κυνὸς* Hierocki, qui eam Metro-
polin provinciæ Arcadiæ ponit.
³ *Photinus*] Teuchirorum, sive Teuchirensis E-
piscopus in Græcis & Latinis exemplaribus tam MSS. quam editis vocatur Act. 1. Concilii Chalcedonensis. Sed hic errorem vulgatæ versionis Latinæ sequitur, non inspecto textu Græco.